

**UPA2022/30: Meeqqat ADHD-mik aamma autisme-mik nappaateqartut siusinnerusukkut paasineqartarnissaannut qanoq pitsanngorsaasoqarsinnaaneranut pilersaarummik Naalackersuisut suliaqaqqullugit peqquneqarnissaannut Inatsisartut aalajangiiffigisassaattut siunnersuut.**

**(Inatsisartunut ilaasortaq Mikivsuk Thomassen, Inuit Ataqtigiit )**

**UPA2022/78: Meeqqanut ikiorsiinerit pigasuartuunngitsut timikkut aammalu tarnip pissusaat pillugu immikkoortortaqarfimmuut innersuunneqarnermiit annerpaamik qaammat ataaseq ingerlasimanissaanik anguniagalimmik innersuussinissaq kisitsisilersuinissarlut siunertaralugu tarnip pissusaa pillugu aammalu meeqqat timikkut nakorsiartarfianneersunik sukkasuumik suligasuartussanik suleqatigiissitaliornissamik Naalackersuisut pilersitsinissaat siunertaralugu Inatsisartut aalajangiiffigisassaattut siunnersuut. Suleqatigiissitap taamatuttaaq aningaasatigut sulisutigullu pisariaqartitat ersarissassavaat. Suleqatigiissitap innersuussassat kisitsinerillu UPA 2023 nallertinnagu naammassisimassavaat. (Inatsisartunut Ilaasortaq Anna Wangenheim, Demokraatit)**

**UPA2022/89: Meeqqat ADHD-eqartut, ADD-eertut, autismeqartut aammalu/imaluunniit angstertut suussusersineqarnissaat taamaasillutalu ikiorsinnaanissaat qanoq pikkoriffiginerulersinnaanerinit tigussaasunik innersuussuteqartussanik suleqatingiinnik immikkut ilisimasalinnik pilersinnissaanik Naalackersuisut peqquneqarnissaat pillugu Inatsisartut aalajangiiffigisassaattut siunnersuut. Suleqatigiit immikkut ilisimasallit 1. juuni 2023 nallertinnagu innersuussuteqassapput.**

**(Inatsisartuni ilaasortaq Nivi Olsen, Demokraatit)**

## **Akissuteqaat**

(Peqqissutsimut Naalackersuisoq)

## **Aappassaaneerpeqarnera**

Aallarniutigalugu Naalackersuisut sinnerlugit Ilaqtariinnut Peqqissutsimullu Ataatsimiitsitaliap siunnersuummik suliaqarsimaneranik isumaliutissiisummillu saqqummiineranut qujassuteqarfigaara. Ilaqtariinnut Peqqissutsimullu Ataatsimiititaliaq inatsisissatut siunnersuummik inassuteqarsimasoq paasineqarpoq, tassani kissaatigineqarpoq Peqqinnissaqarfimmi tarnimikkut nappaatilinnut sullissinermi ineriartortitsinissamut pilersaarummik suliaqartoqassasoq. Ineriartortitsinissamut pilersaarut kingusinnerpaamik UKA2023-mi saqqummiunneqassasoq ataatsimiitsitaliap siunnersuutaani kissaatigineqarpoq.

Piffissaq ungasinnerusoq eqqarsaatigalugu tarnimikkut nappaatilinnut sullissinermut tunngatillugu ineriartortitsinissamut pilersaarusiortoqarnissaa piviusorsiorpaluttumillu anguniagaqartoqarnissaa pingaaruteqartoq Naalackersuisut isumaqarput. Taamatut sulinermi peqqissaarnissaq pisariaqarpoq suliaqarnissamullu pisariaqartinneqartumik piffissaliinissaq.

Tarnimikkut nappaatilinnik sullissinermut suliaqarfik pisariaqarpoq, tamannalu siunissaq qaninnerusoq ungasinnerusorlu eqqarsaatigalugit politikikkut ukkataqartoqarnissanik pisariaqartitsiffiuvoq.

Innuttaasut napparsimasullu pisariaqartitaminnik ikiorneqarlutillu katsorsarneqarsinnaaniassammata Naalackersuisut tarnimikkut nappaatilinnut sullissinermi pinasuartumik ikiuunnissamik ukkataqarput. Siunissaq ungasinnerusoq eqqarsaatigalugu ineriartortitsinissamut pilersaarusiortoqanngikkaluarpalluunniit sulineq tamanna ingerlaannassaaq.

Taamatut oqaaseqarlunga tarnimikkut nappaatilinnut sullissinerup ineriartortinneqarnissaanut sulinermi annerusumik peqqissaarussinerunissamut inissaqartitsisumik piffissaqartitsisumillu Naalackersuisut allannguutissatut siunnersuuteqarput.

*Peqqinnissaqarfimmi tarnip pissusaanut, tassunga ilanngullugit meeqqanut inuusuttunullu tarnip pissusaanik ilisimasalinnut tunngasutigut ineriartortitsinissamut Naalackersuisut pilersaarummik suliaqarnissaannut peqquneqarnissaannik Inatsisartut aalajangiiffigisassaattut siunnersuut. Pilersaarut pitsaannerusumik paasiniaasarnissamut, paasiniaaqqissaartarnermut tarnip pissusaanillu ilisimasalimmit katsorsaasarnermut suliniutissatut siunnersuutinik tigussaasunik imaqaassaaq. Ineriartortitsinissamut pilersaarut kingusinnerpaamik UPA24-mi saqqummiunneqassaaq*